



UBIkoak informazio bila

JOSU ETXEBARRIOSTE



Deustuko Unibertsitateak jardunaldi irekiak antolatu ditu otsailean

Iker Gomez • Bilbo

LAUGARREN urtez, Deustuko Unibertsitateak informazioa zabaltzeko jardunaldiak antolatu ditu. Bertara 2.500 gazte inguru biltzen dira urtero, ikasi nahi dituzten ikasketei buruz galderak egitera. Jardunaldion antolatzaile Juan Luis de Leonek azaldu duenez, aurtengo zerbait berezia nabaritu dute: «Aurreko urteetan ikaslea denetarik entzutera etortzen zen, hasierako ideiarik gabe. Orain, oster, bada-kite zer ikasi nahi duten, eta zehaztasun bila datoz jardunaldietara».

Otsailean, guztira 14 saio antolatu dira. Bi orduko hitzaldi horiek —arratsaldeko 19:00etatik 21:00etara— irakasle bati, tutore bati eta ikasketa horietako ikasle bati

entzuteko aukera paregabea eskaini nahi dute. Ikaslearen ikuspuntua ere sartzen da jardunaldietan, «lizentziatuen itxuraren alde baikorra eta baita ezkorra ere adierazteko». Orokorrean, pozik ateratzen dira UBIko ikasleak informazioa jaso ondoren.

Gurasoak eta ikaslea

Gehienek hasierako asmoan aurrera jarraitzen dute. Egia da gazteek, nolabait behintzat, erabakita daukatela non eman hurrengo lauzpabost urteak. Plentziako Mikel

Gizarte Hezkuntzako Diplomaturaren inguruko hitzaldia entzutera etorri da Deustura. «Argi daukat hau egin nahi dudala, baina zehaztasunen berri jakitera etorri naiz. Nire ustez, garrantzitsuena ikasketak nire gustukoak izatea da. Gurasoek, hala ere, ez dute hain gustuko nire erabakia». Hor hasten da urteroko lehia. Gurasoen gura eta ikasleona. Juan Luis de Leonek azaldu duenez, «gurasoek ingeniari-tza edo enpresaritza ikasketak hautatzen dituzte seme-alabentzat. Senitartekoen presio hori oraindik handia da ikaslearen gainean». Jardunaldietan galdera asko egiten dituzte gazteek; gehienak,

Adi-adi geroa landuz.

Otsailean, astelehenetik ostegunera («ostiraletan ez genuen inor espero») egunero eman ari dira lizentziatura edo diplomatura bati buruzko informazioa Deustuko Unibertsitatean. Guztira 2.500 bat ikasle entzungo dituzte hitzaldiak. Argazkian, Gizarte Hezkuntzako Diplomaturaren inguruko zehaztasunak jaso dituzten gazteak agri dira. Amaieran, galderen txanda izaten da, zalantzak argitzeko.

ikasketen lan irteeren gainekoak.


Aintzane Sopelakoa da, eta zuzenbideko ikasketak egin nahi ditu. «Ez nago guztiz ziur. Askok aukeratzen dute zuzenbidea. Ez dakit gero denetzako lana izango den». Horrez gain, unibertsitatara sartzeko bete beharrekoen gainean ere izaten dira zalantzak.

Jardunaldi ireki guztiek ez dute hainbesteko arrakasta izaten entzule aldetik. Esan bezala, ingeniari-tza edo Enpresen Administrazio eta Zuzendaritzaren ingurukoak gazte ugari erakartzen dute. Jende gutxien letretako hitzaldietan egoten da. «Gehienak neskak izaten dira», dio De Leonek. Horrez gain, gero eta gazte gutxiago biltzen dira unibertsitatara, bai beste bide batzuk aukeratzen dituztelako, «bai gutxiago jaiotzen direlako».

«Ikasleak badaki zer ikasi, baina zehaztasun bila dator.

Gurasoek oraindik pisu handia daukate azken erabakian»

UNI BERTSITATEKO



AGENDA

Zinema

Zinema italiarraren zikloa Nafarroako Unibertsitatean. ■ Gizarte Zientzien eraikineko 2. gelan, arratsaldeko 19:30etan, *Il postino* eskainiko dute bihar. Halaxe hasiko da Italiako zinemaren gaineko zikloa.

Musika

Bilbo Sax Ensemble Gasteizen. ■ Otsailaren 28an, Bilbo Sax Ensemble taldearen emanaldia izango da

EHUren Gasteizko campuseko unibertsitate pabilioian, 19:15etan.

Tam White Duo Euskalduna jauregian. ■ Jende arruntari buruzko abestiz beteko dute Euskalduna jauregia Tam White Duokoek bihar, otsailak 24, arratsaldeko 20:30etatik aurrera.

Erakusketak

Michel de Gelderode antzerkigilearen gaineko erakusketa. ■ EHUren Arabako campuseko uni-

bertsitate pabilioian, Michel de Gelderoderi buruzko erakusketa zabalduko dute gaur.

Argazki erakusketa Nafarroako Unibertsitatean. ■ Eraikin nagusian, Alberto Etxeberzen *Un paseo por la vida* argazki erakusketa izango da ikusgai otsailaren 25a arte.

Industria arkitekturari buruzko erakusketa Gasteizen. ■ Euskal Herriko Unibertsitateko Arabako campuseko unibertsitate pabilioian, interes historiko eta arkitektonikoa duten Euskal Herriko gune

industrial zaharren berrikuntza agertzen duen erakusketa izango da otsailaren 25a arte.

Antzerkia

'Supermonstres' txotxongiloen ikuskizuna Industria Ingeniaritza Teknikoko Eskolan. ■ EHUren Bilboko Industria Ingeniaritza Teknikoko eskolan, emanaldia izango du Jordi Beltranek bere txotxongiloekin hilaren 29an. 19:00etatik aurrera, artistak eta bere pertsonaiek munduari buruzko ikuspegi berezia eskainiko dute.